

中国文献珍本丛书

晚清珍稀期刊续编
(三十八)

全国图书馆文献缩微复制中心

晚清珍稀期刊续编目录（三十八）

甬报		二
京抄		二二
强学报		三〇九
求是报		三三五
五洲时事汇报		五九三

甬 报

光緒七年正月

第一卷

南

報

竊自中國之有新聞紙已十數年於茲矣惜中國風氣初開未能盡人知其利益消售甚滯故有開而未成者如中西聞見錄彙報益報等館是有開成而賣報不多者如循環日報新報萬國公報等館是其開成而賣報至多者莫如申報一館然每日所賣之數今甫能逾萬耳查泰西各國風氣一省之中新聞紙館開至百數十家家賣之報日至數十萬張今中國以聲明文物之邦舉十八省之地不過報館數家固由人未盡知其利益風氣難開亦由開報者不能日新月盛使人盡知其利益風氣漸開本館有感於此因在寧波特設一館報中選京報者懷尊王之大義作論文者寓祖世之微言登近事告白者符新聞之體例謠譯外國書籍者備局外之芻蕘月出一報小試其端也報共八頁文必滿頁而止各歸一類不相屬雜使閱者他日分類折訂成帙也每本只賣錢二十文遠近一律便閱者易購也海內諸君子有著作賜下如果出色驚人不但取印資並酌送報若干本公司好也登告白必取印資五十字以內每字取錢四文多至五十字以外每五十字遞減示區別也無論何事賜函到館來往信力概不代付節浮費也惟本館方當創首恐諸事未愜人心或辭藻難徵典雅幸恕不文或章程尙欠周詳並望燾規匡我不逮幸何如之感何如之夫本館創設此報之心非欲謀利也亦非與各報館爭勝也但以中國報館之不多以致風氣難開信報者少急欲人人知其利益漸推漸廣各路風行方為盛事苟有憫本館之志繼本館而起者由此日開日衆一海口也無不有報館一內地也無不有報館一山州僻縣亦無不有報館卒使中國人人知其利益更使中國人人開其風氣是則本館之厚云爾

本館謹啟

選錄京報

光緒六年十月二十七日奉 上諭富陞奏特參不顧體統之大臣並自請嚴議一摺此次禮親王世鐸等奉派前赴盛京恭行典禮十月十二日將軍岐元等在奉天府府尹衙署設席款待乃盛京兵部侍郎綿宜起立離席向禮親王世鐸笑語無節甚至輕躁失儀任意戲謔實屬有玷官箴綿宜著卽行革職以示懲儆至賓主筵宴亦酬酢之常惟差務未竣遽行讌會亦有不合禮親王世鐸肅親王隆懃禮部尚書徐桐禮部侍郎桂全工部侍郎興廉署工部侍郎程祖誥盛京將軍岐元副都統富陞盛京戶部侍郎恩福刑部侍郎啟秀工部侍郎興恩奉天府府尹松林府丞潘斯濂均著交各該衙門議處富陞因綿宜不顧體統具摺糾參乃毫無顧忌輒敢將狎昵之詞登諸奏牘實屬冒昧糊塗著再行交部議處至所稱奉天風會日以酒食游戲相徵逐似此縱逸成風安能盡心公事嗣後該將軍等務當剷除積習力矢勤慎倘敢再蹈前轍定行懲處不貸欽此二十九日欽奉 慈安端裕康慶昭和莊敬皇太后 慈禮端佑康頤昭豫莊誠皇太后懿旨醇親王奕譞著管理神機營事務佩帶印鑰寶鑒並著管理該營事務伯彥訥謨祐著無庸管理欽此十一月初四日奉 上諭左宗棠奏遵旨來京陛見一摺劉錦棠著署理欽差大臣督辦新疆軍務所遺幫辦軍務著張曜署理楊昌濬著護理陝甘總督欽此初五日奉 上諭全慶著補授大學士管理工部事務靈桂著以吏部尚書協辦大學士欽此十二日奉 上諭吏部等衙門奏遵議禮親王世鐸等處分一摺禮親王世鐸肅親王隆懃禮部尚書徐桐禮部左侍郎桂全工部右侍郎興廉署工部右侍郎都察院左副都御史程祖誥盛京將軍岐元副都統富陞盛京戶部侍郎恩福刑部侍郎啟秀工部侍郎興廉奉天府

府尹松林府丞潘斯濂應得降三級調用處分均著加恩改為降三級留任不准抵銷富陞並
著照部議再降二級留任准其抵銷欽此同日奉 上諭內務府奏擊獲擅入宮內人犯請派
王大臣會同刑部審辦一摺本月初八日宮內擊獲混入禁門之劉振生一犯著即解交刑部
派軍機大臣總管內務府大臣會同刑部嚴行審訊定擬具奏欽此

張樹聲片 再兩廣鹽務疲滯多年半廢商懸課餉日絀近來苟且敷衍每屆奏銷實有竭蹶
難支之勢鹽法為 國家自有之利當此時局艱虞餉源匱乏聽其廢弛無異貨棄於地將加
整飭必在任事有人現任運司何兆瀛被服儒雅學問尚優惟年力漸衰現又多病處煩網積
弊之時即竭其心思材力亦不能有所興除重以委用非人辦務日壞子弟在署約束不嚴凡
此數端頗招物議臣等一再熟商不敢稍涉遷就鹽務向為利藪司其事者無精核之才既易
為人所欺飾無潔清之守又每自飽其私豈大率非老邁貪得者所宜充位也可否仰懇 天
恩將廣東鹽運使何兆瀛即行開缺另 簡廉明幹練之員俾獲相助為理力圖整頓庶粵鹽
得有轉機當此餉項奇窘亦可藉資補助不勝激切惶悚之至謹附片密奏伏乞 聖鑒訓示
謹奏 富陞片 再籌辦海防軍械在所必需洋槍尤為緊要奴才江甯起程時與兩江督臣
劉坤一亟欲籌撥苦於一時難以購辦復商之統領慶軍浙江提督吳長慶據云該營中尚有
來復槍一千桿堪以通融撥用惟皮帶槍子以及洋藥銅帽等件目下無餘劉坤一當囑奴才
先將洋槍帶往備用並派巡撫劉坤一將天津之便將洋槍一千桿撥交該輪船運
解至津奴才亦即航海而來行抵天津晤商直隸督臣李鴻章復奏調補盛京副都統之
百餘斤大銅帽二十萬箇奴才一併呈交帶至山海關副都統復奏調補盛京副都統之
洋槍業經運到山海關副都統復奏調補盛京副都統之
其人遂復山海關副都統復奏調補盛京副都統之
洋槍業經運到山海關副都統復奏調補盛京副都統之
洋槍業經運到山海關副都統復奏調補盛京副都統之

新聞紙論 附後論

泰西各國之有新聞紙也上可以明國政之是非下可以見民情之善惡大可以表山川之險要小可以載庶物之新奇其事雖微其益甚溥泰西各國之君相知之各國之士庶知之各國之官吏商賈亦知之因之流布日廣消傳日多獨至中國雖知之而不能盡知之中國雖行之而不能廣行之何哉蓋中國自秦漢以來君國之權甚尊臣民之分甚卑處士清談盛朝不取庶人末議禁典所嚴從未有如新聞紙之有事必書無辭不達足爲世人之口碑而比史書之直筆者雖中外通商已久新聞紙創於中國近十餘年而中國人之視新聞紙非曰調語謗書即曰街談巷議流布不能日廣者職此之故余固有心人也窺之最稔知之最深不敢不言其利益以破中外人之成見務使人人知其利益以開新聞紙之先聲夫泰西各國新聞紙之益首在有軍國大事必俟新聞紙登之不以爲不便而以爲可行然後發號施令無不允洽人心中國自無此政體要之新聞紙之有益於中國者豈淺鮮哉中國朝報例止登尋常諭旨摺奏凡有中國交涉要事概不發抄致民間議論紛紛莫衷一是雖有各國電報人難周知有新開紙隨時隨事一一錄出可以去蕪海之猜疑此利益者一有司判斷案件是否官不能自知民知之而莫從中訴有新聞紙秉筆直書公是公非不難立分可以解下民之冤抑此利益者二五大洲之地國非一國政事民風豈能一律興衰盛敗大抵無常在精紳士族不難博訪周諮若中等以下之人概無聞知中外之見遂難融化有新聞紙事事言之使天下人一一知之可以開中國之風氣此利益者三舉世之人聰明者少愚魯者多況在山州僻縣足不出乎里巷經事既少智慧莫開有新聞紙之奇奇怪怪是是非非廣聞見而資談論可以增編氓之見

識此利益者四世風日下作惡者衆有父師所不及匡王法所不及治禮義廉恥蕩焉無存雖事後偶有追悔而事前苦無法戒有新聞紙善則善之惡則惡之使事前有所鑒觀事後有所顧忌防僞正淫可以助國家之化導此利益者五中國自古尚文讀書已成者自講求典籍惟農工商賈及園中婦女粗識字句經史既無所用口事小說育詞因此人心敗壞者不知凡幾有新聞紙之雅俗共賞價廉而家家可購文淺而人人可觀耳濡目染可以勵男女之品行此利益者六至於人所不知者籍新聞紙以傳知事所難明者藉新聞紙以申明有利益於人物有利益於家國有利益於一地一時有利益於天下後世非尤更僕難數也哉

余論既成或有難之者曰子言新聞紙利益如此然則新聞紙果無病乎余曰有請試言之倘其好言國政傳說未必皆真貪說軍情勝敗只以意揣朝三暮四昨是今非信口開河久而生厭有人誤信貽害匪輕此其病一也否則臆陳軼典考據一物或至于言侈言性理陳腐舊套自命五子更或風雲月露小詩小詞贈妓送行連篇累牘徒費烟墨無補事情雅人或者偶觀市井不能卒讀此其病二也至或於意參恩怨見難愛憎憑一己之私徇知交之請毀芳爲臭指白爲繡大雅君子含垢而無言陰賊小人傷心而思報唇舌劍惡札往來衆口沸騰謂爲穢史此其病三也又有甚者自居有一筆挾制時人大腹賈兒訐其閨房之醜貴官當道諄其昏暮之求卽令果有萌芽傳者尙屬疑團下筆便成鐵案因之納賄求免日增千金藉公道以營苞苴矜清議以充囊橐下流無賴笑柄徒資比其病四也以上四病有公有私居心不同爲過則一故本館諸友同心合力焚香誓天如所云云四病竊敢一言以決之曰無謂予不信試觀吾報

中外近事

甯波防務 ○黃芑岩軍門少春奉 命來浙辦理海防去年九月二十六日自漢口乘伏波兵輪船起程三十日抵甬十月初三日晉省於郡城天甯寺設支應局由浙撫譚文卿中丞委甯紹台道瑞麟侯觀察督理而以甯波府宗湘文太守會辦初十日開局又於北門內觀音寺設製造鎗礮彈等軍械機器局俟機件配齊亦即開辦機器乃前任浙撫梅中丞購存省城今自省解來者二十日軍門至自省二十三日接辦防務旋奉 旨署浙江提督不數日又拜實授提督之 命二十八日赴鎮海閱視砲台行轅在鎮海城內種住寺十一月初七日自鎮海赴溫台等口十六日回郡城以內關爲行轅十七日接提督印二十六日署任提督諭軍門起程回衢州總兵任來甯之勇約計五千係募自楚中亦有自台州等處招至者均爲禦侮勁旅壁壘一新復派記名提督熊軍門赴湖南增募至經制之兵專令守城及砲台其精銳者亦改爲勇制定海孤懸海中尤爲喫緊有勇二千由成梓臣太守統帶操防軍門則移駐鎮海就近調度正擬擇日進署後復到鎮海駐劄乃於二十七日接家信丁父憂須回湖南原籍守制聞譚中丞有奏留墨經從戎意當此有事之秋軍門必有兩全之法也

設火藥局

○甯波於去年十一月十六日在城北隨喜庵設立火藥局局旁有西人屋數所深恐火藥易兆焚如意欲中國遷移間已由領事官行文道憲尙未知作何究竟云

購器求精

○甯波紳士現以海防需器甚亟另籌捐洋二萬元商經宗太守稟請李傅相咨行駐德李丹崖星使購辦新式毛索後膛鎗一千桿以爲軍實蓋不沾沾省費貪賤務求器之堅利可謂深中窺要矣安得各省凡需利器者皆若太守之稟請咨購實事求是也

學放傳遞

○甯郡小考向多傳遞客冬縣試二覆扁門後有慣為傳遞之內應王薇卿者出題後倩鴿傳題放至第三鴿為人覬破人鴿並獲喊敲宅門鄞縣陳邑尊不知何事堅不啟門經衆童打開邑尊始出訊問得情另出試題將王薇卿押入內堂次日交捕廳看管至府考前一日聞為紳士十人聯名保出夫傳遞罪甚重也王生既學復放亦云幸矣

創設醫院

○聞天津李傅相倡首捐廉集成巨資設醫院一所延請中外名醫數人為施診貧民計誠功德無量事也惟各直省雖有施醫之處設於夏令居多不能終年並不能有屋為收養病人所苟能體傅相之心為心悉為倡設不將咸登斯民於壽域也哉

派員出洋

○中國現派記名提督丁雨亭軍門汝昌帶同隨員十六人水師二百有四名自天津乘招商局豐順輪船於去年十月初九日到上海軍門及隨員暫寓萬安樓客棧水師當即過入馭遠兵輪船小住數日即行啟輪駛赴英國緣中朝前在英國定造鋼甲船兩艘應派員前往駕駛回國且須預習駕駛之法故軍門有是行也按中國官兵輪船已有四十餘艘製造之精取材之美固足爭衡西國特惜向無鋼鐵甲船又且駕駛者未甚購求西學以之捕盜或有餘從事戰陣則不足聞丁軍門含著深廣其船又為鋼甲自遠勝前此之一輩矣

建設電報

○竊考中國陸路電線已成者一為上海至吳淞長三十里同治十二年英公司造一為福州省城至船政局長三十六里同治十三年中國造由英公司經理一為台灣府城至打狗海口長約百里光緒三年中國造一為天津督轅至製造局長二十餘里光緒四年中國造皆以華人經理台灣又兼用德律風藉電氣傳語之四路者共長不及二百里而淞滬之三十里猶非中國有其不成者乃福州至廈門之線約長四百五十里同治十三年英

公司造是年十月初一日開工成九十里以民人滋事止光緒元年九月十五日復開工成一百五十里仍以滋事止中外咸惜之今聞中朝議定自上海建設電線以達天津計長約二千七百里需費一百萬兩有奇電線已自西國購來李衛相遴委朱吉堂太守至涇辦理並往產木之省採辦木植爲電桿之用又招學徒至津專習電學其經費係由崇地山官保捐出云云此事誠當務之急者蓋一遇兵端文報由輪船遞寄難期簡捷且有北地凍河之時設有電線呼應靈通華人經理尤爲可恃殊足慶幸惟經費出自崇宮保似深未可信容探明續報

新船慶成

○去年本報從西字新聞譯有新船下水一事昨接閩友來信較更詳細用備錄之據云福建船政局自同治六年創造輪船以來現共造成二十三號自一號至十九號皆用木料自二十號至二十三號則用鐵料刻下二十三號之鐵料船有七百五十匹馬力於去年華六月初七日安上龍骨本年華九月十九日下水是日船政黎大臣兆棠與委員等先在塢祭神俟祭畢將船推放中流取名澄慶至十一月十九日試車二十八日試洋是日辰刻黎大臣仍率各員紳乘船順流由塢內鐵水坪展輪出羅星塔至酉刻回塢云彙錄申報

高麗近聞 ○高麗執政目下頗有志與各國推廣通商之道蓋恐俄人覬覦冀保護有人也果爾不惟高麗之福尤中國日本之福

東瀛新報

○循環日報載日本郵音謂接得的確可信之消息琉球之事中日兩國已調停妥當蓋皆聽納美國前總統赫蘭之言也總統言日本將台灣迤北諸海島總名美高施馬者割交中國而中國則將琉球原日之地歸日本管轄云此信若確則中日嫌疑或可少釋而合謀以保衛東方大局不至爲遠人覬覦誠識時務人所深盼者

日本新聞紙譯略

○日本某新聞紙論俄國有取高麗之意篇幅甚長大要謂高麗爲中國日本適中之地高荷爲俄所取不利於中亦不利於日緣俄西南北三方拓地已盡惟東方尚有中日可圖日之執政者慎不可不防也後又有俄果取高麗日當與俄熟商切不可讓俄獨得之語按此論所見甚大不讓俄獨得一語尤洞見其肺腑夫俄苟取高麗固未必許日本分之即使與分非出俄之本心他日亦必能合之日本誠欲固東方局勢保護高麗宜遵照中日條約第二款亟與中國熟商始爲計之得者

俄國留心華務

○西報言俄廷命洋務大臣創設一署專辦中俄交涉事件已將崇前使所帶出洋之細譯官俄人名海根者囑以厚祿令去中就俄委主斯缺選書記三人助之仍准於俄人中之熟悉華務者調取錄用又行文駐劄各國使臣購買各種書籍及各國與中國交涉之案已印成書者一併採買備考云噫於以見俄之念念不忘中國矣爲俄計固應如此特惜中國雖亦在加意講求似猶未得要領倘亦仿俄人之所爲而亟亟焉爲之庶乎可矣

集議郵政

○西國載法國信部大臣近來照會各國集議寄信章程各國咸遣使往議蓋郵政最是利國便民之事少有不善即須集議弗肯忽略從事也日本已居集議之列中國前有華洋信館似即郵政始基目下絕無聲聞豈置是事者猶有所待耶抑不暇議及耶

美國進款

○地球內各國其與中國通商最以富饒著名者近推美邦而核其致富之術則不外墾耕畜牧二事雖國內亦有諸礦開採而本計則不在是也現得其國自西歷一千八百七十九年七月初一日起至次年六月三十日止所列進支款項清單謂一年之中計進款共洋三百三十三兆每百萬爲一兆五十二萬三千六百一十元用款則二百三十七兆六十四

萬二千九百五十元餘洋以備抵償國債較去年進款多五十九兆三十九萬九千四百二十六元而用款亦多於去年六十九萬五千零七十四元計稅關徵收共洋一百八十六兆五十二萬二千零六十四元國內釐捐共一百二十四兆零九千三百七十五元觀此則知美國度文之裕而非他國所可頡頏宜其國勢之駸駸日盛也夫撫有國家者每患於境壤狹小人民鮮寡斯欲展布而有所未能耳若地大物博苟能勵精圖治又何難轉貧弱而為富強也哉為強國錄俄日報

論日本與俄國偏交

○有國者審慎邦交必須通盤計算若過事豐厚日後略有小

錯援照前例便有莫大于係現在俄國雷提督在局外之日本海口駐劄此是初起事極輜轄所稱日本為局外之國因確知日王不替中俄閒隙即使交戰伊亦袖手新報提及此事望日國弗嫌直言查中俄起釁初因中朝棄崇欽使和約俄皇以為既棄信約又罪使臣是明絕我好於是向中國索地又索賠償軍資為中國計或允或拒事宜早決今屯日本之雷提督資兼文武為俄欽差統帶大小兵船四十艘相機進止又中國邊地歐羅巴兵已有八萬屯札界外更有無數馬兵是已有必戰聲勢日本為中國友邦若照萬國公法俄兵本不得入局外之國使日王毫不款接亦是泰西舊例豈能罪責否則亦有中庸之道可處庶泰西諸國亦看重日本今迎接雷提督禮極隆重並容其購買食物軍裝是接濟鄰友仇敵殊乖公義設俄國與泰西中一國失和將許多兵船停在別國洋面必繩以公法却之使去如俄國與英國滋釁日本如此接待英國不但心疑必嚴為禁阻今則供辦諸物款洽殷勤非獨輕蔑中國亦恐俄國援以為例何以應其誅求將來事故連累在所難免現雖親密日後略有小錯便為失禮所謂莫大于係者此也摘譯日本英文新報

勸戒鴉片說

鴉片之害人亦大矣哉上則官長下則僕隸文則師儒武則兵弁無貴無賤無富無貧無老無幼無智無愚吸食者十之六七痛絕者十之三四請問是何意見有何滋味橫陳一蓋孤澄靜臥三更冷榻有事不能就走有話不能細談坐耗精神虛延歲月烟癮一到雖緊要時刻難延欲減省些須身心不快受如此之束縛遭如此之陷害日久則身家性命爲其毒噬允宜恨山怨海避之若蛇蝎惡之若寇讎父誡其子兄勉其弟師警其徒決不稍爲濡染何以明知故蹈口是心非蔓延遍地中國竟成爲鴉片之墟余雖旅居斯土不禁欲代爲痛哭也至勸戒鴉片詩詞論文指不勝屈苟能觸目驚心何俟再爲煩言余之不憚諄諄者亦一片婆心不忍袖手作秦越人之視現在言其大略隨後縷細續登惟願閱是報者知鴉片之害人甚大或正言法語或譬喻婉辭務先勸吸食之人振作心神力爲戒絕並能設想妙法使外洋之鴉片不來中國消售並能使中國人不種罌粟貽害他人則不戒而自戒不絕而自絕豈非第一方法余想中國地方鴉片何故盛行大約因祛除疾病葆養元神起見然城鄉各處年僅弱冠遽爲婚娶夫古者三十授室精力完足故鮮夭札之虞今中國之人娶妻太早淫慾無度卽生子女益加怯弱迫其人形氣消瘦夢泄遺精則吸食鴉片以爲可以保固身體是欲救火而加以柴薪也又中國地方潮濕起屋基址不肯墊高故多泄痢患瘡肚腹疼痛胸胃絞痛痰嗽喘逆等症鴉片入口亦能暫爲解救然病去癮深此剜肉醫瘡之計愚亦甚矣我泰西諸國從來不吸鴉片頗有嗜酒致病自戕其生者其人之嗜酒亦如有癮一般飲之通身舒暢然而易促生命近遇有識者轉相問導西人頗能警省此風稍息矣餘俟後報續登